

荔隱山房詩草

序

海屏夫子淵源家學詩古文詞蚤歲有聲尤

體詩與會所至走筆立就楮刻而墨采飛詞

落其旨要歸於中正餘易自咸豐辛酉登拔萃科次年

舉京兆試同治甲戌成進士膺館選結

壬上之知一典試黉中再分校順天闈前後垂三十年

身世之感遇友朋之贈答蹤迹遊歷之所經皆紀之以


詩手輯其未散佚者得若干首附以瀛洲試律都爲六

帙示勲讀之且命校字不敢辭蓋嘗試論之發乎情止

乎禮義詩之正也怨詐而怒和樂而流詩之變也世之
爲詩者大率其未遇時不勝其憔悴憂傷一旦志得意
滿則流蕩叢辨之紛逐鄭聲滿紙二者交譏求所爲中
正和易詎有當焉吾師之詩不然當其懷抱利器抑
鬱誰語託之於詩而無愁苦悲憤之音及其游詠蓬島
茗作承明麻詔宣呼軺車顯赫發之於詩而無流僻邪
散之響卽或烟波一湖觴酒一詠山水寫性草木證情
則涉筆而成趣會意而見理由其樹骨高而取徑正也
至於練字則不失於纖弱琢句則不病於譎詭命意則

不類於淺率立格則不流於卑靡斯又吾 師精神福澤
之源流露於迹象發見乎詞章者 勳於此道未窺門徑
率抒管見未必有當萬一 既幸得讀是詩爰綴數語以
識不忘云時光緒甲午八月受業戚朝勳謹叙於都門
寓邸

漢坪先生水像



壺華毓秀蓬島回翔
玉堂不變况在黃堂
其貌則昂其詩則昌
拈髭密詠荔支之鄉

門人閔志廉謹題



題詞

賈陽戚

書雲手筆譽聲同萬丈光芒一卷中錦句麗

珍藏雅合碧紗籠斗山有幸依韓愈忝訂無才媿季通
十五年來仍故我只應杖履坐春風

黔南 蔣燮琦 慕韓

雜誦吾 師兩卷詩柏松勁節李桃知名塲盡歷覘才

健宦海長棲感遇遲百韻夙就風雅興一官好趁太平

時師有乞和凝衣鉢人爭繼重立程門媿髮絲

外意

文星遠照夜郎回手植名花竟占魁

謂同年趙仲瑩殿撰

有幸一

時邀玉尺無緣三度上金臺

琦春闈三荐未售

羊公偶譽蒙戎

鶴伯樂甯空蹇劣駘惟冀春風能遍被倚雲紅杏盡枝
開

古鄂

胡蔭森

渭臣

衣袖香沾

御案前京華聯句憶當年同趨鳳闕雲中

路常賦龍池雨後天草滿藤廳清舊牘花開芸館校新
編披吟何幸親風雅歲歲無荒仗硯田

不堪老大話樽前誤落風塵各暮年

與君先後到浙

且把好詩

消白晝欲携佳句問青天世途荆棘翻多礙大道藩籬
願共編想到故鄉鱸膾美會須結伴好歸田

申珠寶 康孝劼

梅花開後雪飛時一朶閒雲寄好詩佳句不嫌千遍讀
識君深悔十年遲蘇髯老去才如海陶令歸來鬢有絲
山水清游圖史樂輞川雅趣屬王維

奇文樸學睨乾坤簿錄千秋著作存蘭水詞源鍾鉅手

梅峯秋色滿名園華園舊壑齊梁藝苑新文筆著有莆陽花文輯詩輯

月春明舊酒痕差喜珂鄉常過從寒宵翦燭許重論

三山葉大湜 芭恭

誰似莆陽居士賢 秋風詩袂正翩翩

君八月來省出大箸見示人驚

夢得多奇句 我道香山共暮年

君年七十 余長二歲 乞郡久爲湖

上客

居浙 五載

還鄉合著地 行仙故交會面難 分手腸斷江

樓別酒邊

倦谿 傅肇修 砥人

綺歲才華蓋代雄 鼇峰同硯兩年中

己未辛酉同君肄業書院早欣

簪筆依天上 又沛棠陰到浙東 著述等身雙鬢雪 湖山

歸隱一帆風 詩壇蘭譜今零落 故國相逢各老翁

天將名勝屬詩人綠野平泉拓地新

華園別墅爲明代書康礪峰舊址

座挹溪山無俗韻門栽桃李盡成春

里中從學者衆

八壺風雅

歸提倡萬卷圖書伴隱淪

君喜藏書

媿我航吟窮到老燹痕

隨錄暗傷神

余所居災近著曰燹痕草

蒲陽

劉尙文

澹齋

班馬詞華一代才巨鰲背上跨身來金華獻賦追楊億

綵服娛親羨老萊

公登第日堂上俱存

北地江山簪筆賦南天旌

節倚雲開自從網得珊瑚後不數黃金百尺臺

公典黔試得趙

仲瑩

殿撰

股肱重寄急需才暫屈詞臣越嶠來赤水珠應騰斗宿
雷津劍轉燭蒿萊雅懷夙抱千秋計大業先傳一集開
我亦啾啾凡鳥響難從光祿問吟臺

蒲陽

陳清菴 黍谷

文章家世本奇才尊翁丙午鄉薦又見先生跨竈來良馬空

羣搜冀北丙戌會狀皆出先生門輕舟轉瞬渡蓬萊惠施南國甘

棠徧出守武林春過蒲城桃李開掌教郡邑餘事作詩追白

也不教擅詠鳳凰臺

恰是昌黎解愛才偏從瘦島敲詩來鳳凰有唱聞天下

蟋蟀微吟傍草萊大道幾爲荆棘塞論心誰共酒杯
子陵故事真堪擬浩浩烟波一釣臺

蒲陽張琴治如

深院無人獨掩關竹坪茶鼎占幽閒却從涼夜來聽雨
徧讀好詩似看山一舸江湖留宦蹟九天珠玉落人間
蓬萊勝會知多少我殿羣仙最後班

甲辰後科
舉停止

一卷佳篇快殺青典型祇合繼柯亭故園名勝栽紅杏
宦海浮沈感白萍三十年前尊老宿

師爲甲戌前輩
距甲辰三十年

千里外識文星壺山風雅今寥落可許門生再執經

晉書 宋廷模子山

自余別蒲陽心戀荔支隴忽誦故人詩開函若面晤篇
篇富珠玉字字挾風雨珥筆侍鑾坡乘輅記邊土移官
虎林來持籌更板武名山兼勝遊吳越復淞滬拂衣歸
故鄉經席坐講詒怡志築林園蕭然樂環堵讀書老不
疲著述力益努我時倅海濱承乏慙無補暇輒從君遊
吟壇樹旗鼓觴詠無虛日大集惜未覩感君遠寄將爍
然示獲矩摩挲手不釋寄詩寄肝膈

荔隱山房詩草

莆田 涂慶瀾 海屏

五言古詩

題友人小照

我友持畫來向我索詩篇
披圖想其貌描寫得天然
科頭楊柳下端坐梧桐前
竹枝秋色滿菊影寒露偏
浸月一泉咽支橋數石拳
有扇不搖風恐散花中煙
有樓簾不放中有美娟娟
樓上吹玉笛樓中笑拍肩
此景自瀟酒宜君愛勿捐
瑶姬爲君媚花木爲君妍
雲水有奇態

長樂畫中天

泰安道中望泰山

觀水不觀海深不測滄溟游山不游岱但見衆峰青我
昔泛巨渤萬頃時揚舲茲山近尺咫胡不游屐停願聞
天門峻突兀撐蒼冥欲納出雲氣隱見捫晨星東湧羲
輪上倒吸海風腥豈獨壓齊魯六合驚雷霆安能叫閭
闔排雲揖山靈長嘯扶桑暎俯瞰水天并登高賦未就
馬蹄圖再經呼酒酌蒼蘚日落萬山曛

偕友人坐長江輪舶至京口

大江限南北滾滾日夜流縱橫三千里楚尾復吳頭古
今濟江客欲渡艤扁舟通市自何年火艦來歐洲雙輪
衝浪去橫行驅鯨蛟蔽江煙十丈不待風颺颺朝發而
夕至須臾捷庾郵渡江異渡海穩坐無沈浮所厭佔客
雜酣眠多於鷗積貨與山齊人語喧鉤輶我行屢江海
早爲汗漫游今朝約朋舊駕帆望潤州升高覽吳會江
上青山秋江月照我心江花蠲我愁取酒船頭卧醉吟
同吳謳相將泛櫻艫夜下蒼龍湫

至申江遇洪直臣水部

秉鈞

春風吹船飛送我至海上雖嫌塵市喧自覺水天曠故
人別三載相見間近況君言游江南旅懷極雄暢曉登
金焦山夜渡秦淮舫嗟余逐浮名屢破長江浪江神怪
且驚謂我名心壯遠驅鯨鱷逃布帆任搖漾見慣與君
同中流櫂歌放鐵板復銅琶君聽江東唱

自定興至安肅一路大水擊輿而過

朝聞泥滑滑暮走水漫漫泛濫百餘里但作渡河看前
驅陷泥淖臨流翻玉鞍行篋浸水濕橐駝浮深灘我時
乘輿過輿夫行蹣跚舍肩而用頂衆擎殊未安斜走極

媚嫵恐觸蛟龍蟠大波洵我前四顧溟渤寬前馬鳴驚
蕭似渡易水寒卽茲悟文境水面風生瀾所苦日昏黑
飢尋何處餐王事實靡鹽敢歌行路難

辰龍關

衆山何逶迤起伏無定姿忽作蜿蜒勢煙雲爲合離兩
崖夾崔嵬萬仞懸屣巖巖關插天起陟落真險巖人跡
久斷絕况復村煙稀箐密似無路石轉路尤岐前騎入
雲去小輿隨奔馳長坡吼獅子坡名危磴穿螺絲嶺名楚岫
已如此黔峰當益奇今晨入關始吾吟看山詩

馬鞍山

我聞清浪灘奇險莫與比因之避山行不泛滄江水今
登馬鞍山山雲馬頭起路荒接鳥斜徑削爭石峙挽輿
如挽舟雙紉繫臂指疾吁攀危崖聲動秋山裏乃知陟
山難亦如灘險耳叱馭王尊同提鞍新息擬會覽黔山
青幽賞更未已

苗民爲緯夫維以雙紉
拉輿上坡呼聲動地

半礮山奇石

策馬上辰州馬前露奇石云是半礮出漫山堆峭碧嵌
空而玲瓏縐瘦都入格怪形狻猊蹲蠢勢丈人立苔駸

錦紋疏翠劈雲根積穉華更夥頤大巧豈人力造物位
置工何年始開闢詎從補天餘墮此飲羽迹未遇祖龍
鞭豈受羣羊叱棄置荒岡中磊砢殊足惜焉得載之歸
疊山豎咫尺黔湘亦飛來助我米老癡

南河泡泛舟偕陳伯雙太史王書臣舍人

晨起畢澆書驅馬出郭遊雨過沙路淨遠風生平曠水
際出荻葦麥浪黃油油車聲衝泥去漸露野塘幽下馬
倚石憩一眺藕花洲花開四壁香中有采蓮舟盪棹入
花深花香波不鏡忽照鏡中面摘花簪滿頭香風洒然

至六月涼如秋風涼滌我愁花艷入我眸長安此樂少
請君大白浮安得水邊居煙波隨閒鷗

籠鳥

鳳凰覽德輝翱翔于仞遊鷗鵬圖南溟養翮飛九州爾
本異凡鳥羽毛空侶儔胡爲在櫳檻哀鳴聲啾啾想其
奮飛時文彩矜風流鸚鵡極巧慧百舌爭鈎輶六翮不
肯斂翻來啾拙鳩今朝歎憔悴似有鴻雁憂爲告主人
道放汝無勾留倘得開籠去飛入深山秋

擬詠史

喬松上女蘿葛蔓紛垂條嗟爾當世士屏居憂寂寥世
家據津要色將豪傑驕許史何才德累世赫金貂梅生
抱竒骨沈淪隱漁樵人才須得地感嘆徒魂銷

寒士偃空廬落落氣不適出門顏色低內顧飢寒迫相
如昔家居寥寥徒四壁子雲守窮巷寂寞無人迹兩賢
固人豪千秋豈不赫當其困風塵何人善物色古來感
遇多時運有通塞空山鬱竒才覽此心愴惻

山行有感

山川而能語地師食無所此是古諺言今人不如古指

南鍼一枝撼龍經一部淨陰復淨陽聚訟分門戶挾術
盡人心禍福妄逆觀一坏屢遷移百歲停負土程朱昔
大儒斯道豈無取但就形勢看祇求三患去廢興實由
天肯受術家侮安得挽頽風壺華砭愚魯

龍槐樹

在龍溪館中

庭前有老樹蒼然含古姿屈蟠作龍爪杈枒形倒垂獨
立衆樹裏不與世推移內蘊松柏性歲寒形愈竒昔在
花盛日諸公來賦詩趙又銘前輩林秋坂比部均曾寓此不賞城南寺院
中歌蚪枝風動翠交舞花開黃陸離今我日相對偃蹇

思護持但願堅晚節豈必求人知
鬱鬱蜿蜒勢青蔥貫
四時摩挲此生意晝靜吟蟬悲

喜友人至都話舊

與君別天南同有北征約水陸忽分途彼此各飄泊聞
君昔山行日日看山樂朝登匡廬峰暮宿松風閣嵩少
攀幽遐太行瞰雲壑豈不憚險艱長途慰寂寞嗟我乘
風濤低頭對海若蛟螭侮重淵終日波浪惡出險心猶
搖痛定境如昨與君先後來握手喜雀躍各訴昔所遭
夜深談約略人生適意耳安能自菲薄利鎖與名韁胡

爲受束縛天高任翱翔君看摩空鶚

題沈苞九畫梅

畫梅須雅人非人梅則俗愛梅須高人非人梅亦辱沈
君今石田梅花栽滿屋終日摹其真滌硯課童僕花辦
肖勻圓花枝描屈曲不求形似間但取神韻足我亦愛
梅人對花興便觸見畫如見花喜君寫一幅花本屬孤
高君畫亦落落何處來賞音空山慰寂寞

乙未正月干役嘉湖舟中偶作

清晨發孤棹獨泛茗雲流水鄉乏車馬行役多浮舟憶

昨捧檄來浙西觀春蒐

抗嘉湖水軍奉委點操

軍聲聽鵝鴨壯

招貔貅朔方邊塵起豕突防宜周勾當公事畢沿途兼
勝遊曉看漁人網夕聞采菱謳復渡鴛湖水水明煙雨
樓湖光雜雨氣雨歇煙不收登高覽吳越猶餘霸業愁
山色落波際推篷飽吟眸何爲催歸槩未得酣眠鷗櫂
歌中流返使我心悠悠

遊九溪十八澗遂至理安寺

湖上多名山山重更水複十八澗九溪縱橫在巖腹我
從龍井來仗僧引路熟轉入路轉深溪流競屈曲危梁

跨澗懸飛泉噴石轟不斷潺湲聲淙淙雜鳴玉四山空
無人僕夫苦躑躅忽露一庵幽桂樹紛相屬可惜時未
花花時香更足夕曛漸催八雲送前溪綠 山多桂花

與鄭慎齋陳子周林少琪遊煙霞洞

山石紛倒垂巉削似積鐵豁豁古洞開中豬水清冽何
年架修椽佛像巧鐫刻萬石森陰崖冷風砭骨裂流觴
飲山篠坐久不知熱我本倦游人對此想丹訣老矣安
所投豈久受羈勒便合從子歸與子那忍別 時慎齋
將歸卑老

衲占煙霞長茲領幽絕

住持仙遊人
號煙霞老衲

錢江樓上納涼

火雲羃江昏，驕旭煽地赤。江頭久不雨，苦熱暑更劇。嗟
我居斯樓，一椽竟容膝。澆書晨氣清，大異熱中客。遙睇
上江東，估帆望歷歷。越山浪花齊，海門潮勢激。清風水
面來，涼意生兩腋。頓忘權務勞，不覺官舍窄。呼友共茗
談，趨公曷籌畫。商人憫艱難，丁役戒需索。但期課饒充，
肯事漁竭澤。諸君感我言，各以手加額。出門大江橫，雲

壓樟亭驛

浮山觀采茶

吾鄉有靈巖武夷沂九曲曲曲產奇茶不亞龍井綠今
晨來浮山浙中茶正熟一旗復二槍采茶歌相續提籃
摘露芽香氣聞清馥茶戶爭頭綱新焙動盈掬名標穀
雨前道是雨水足值我遊山深權茶正開局虎跑泉可
煎龍團品不俗陸羽思箋經君謨憶著錄何處瓶笙聲
晚鐘答天竺

往西溪

即留下宋高宗云西溪且留下故名

出郭西溪去路深入蒹葭溪流接古蕩蘆荻園汀沙中
有村市小居民數百家筍蔬茶竹外種梅時賣花我來

遇夏初梅過方收茶旗槍鬥嫩綠粟粒抽新芽少婦攜
筐返兒童荷擔諱焙法學北苑製成販天涯龍團與雀
舌問價何其賒山民此託業樸勤良足嘉待當春信動
來探夢綠華

吳山晚眺

吳山高崔巍城郭在脚底炊煙幾萬家樓觀夾廛市襟
江而帶湖延緣十數里峰連南北高潮隔東西水海風
忽吹來龕赭近尺咫何年形勝開立馬妄翹企都人縱
勝遊每攜村酒美裙屐恣踟躕詠粉羅綺花映寺門

深車雜鐘聲起我適倚山居縱目屢陟此躡磴倦扶筇
所愧吾衰矣安得脫塵埃置身圖畫裏

二月十五日出武林門買舟至瀟瀟

凌晨出北郭江上舉家移艤舟下湖潏正值花朝時花
前鳥語送似喚人別離那知歸意決舟子催解維北關
煙舫小牽船無稽遲連帆六七艘直泛湖之潏朝過石
門界暮望秀水湄輕裝載明月但有琴書隨晨起捲篷
眺漁謳皆吳兒遂入黃歇浦故人爭來窺招予登岸去
僕從車載馳且作安巢燕園亭思探竒會客花底飲老

翁來賦詩

舟出吳淞口放洋遇颶風

破浪須乘風揚帆借其勢火艦非風船胡乃受風掣
年來工藝興巧學機器製烟中習斲輪江面逞鼓棹以水
激火飛象乃協旣濟昨放闔洋來忽遭風伯厲高浪噴
咍逐飛簾極暴戾顛倒上下牀篷窗響搖曳轉舵篙師
忙胸誰無芥蒂海上泊一宵天明始晴霽遂度越山青
漸達閩水滢嗟哉涉大川忠信仗勉勵

十月初四日出南關宿廣化寺

我秉猿鶴性看山愛蕭閒年來客奔走反忘故鄉山昨
自虎林返養病方閉關忽動遊山興出郭尋烟鬢停輿
叩蕭寺高塔力躋攀四山縱遠望壺華齊回環地脈斷
不斷溪阪灣復灣訪碑涉澗底石上字嫵嫺澗畔刻有
林寬詩
彌勒若識我迎門開笑顏遂借僧房憩境寂殊塵寰何
當舍梅鶴逃禪長不還

荔隱山房詩草

莆田 涂慶瀾 海屏

七言古詩

石倉園歌

洪山回環森窟宅，茆堂中有風雅席。亭南十株五株花，門外千片萬片石。誰移別墅來洪塘，前朝結構凌雲岡。能始先生性絕俗，投簪此地營石倉。哦詩每雜泉聲咽，長嘯獨倚春風狂。妙峯之曲白雲居，萬木繞屋綠陰餘。湖畔山光落旗鼓，二山名園中厨具雜圖書。揮毫對客掩

十子樹幟騷壇共二徐自從大雅久不作人去煙銷空
澗壑兩川雲水相往還幾度山花自開落
花開花落春復秋懷古空對洪塘流勝地詩人共千古臨風欲往心
悠悠

短人歌贈宋一舟

一舟朱生神蕭散爲人三尺且不滿人人呼生爲短人
我謂貌短才非短朱生書學顏魯公又愛丹青顧陸工
筆端磊落搖山嶽元氣淋漓生雨風其餘手藝亦無比
侷儻權竒且自喜世上取貌不憐才曰生眇小丈夫耳

君不見王主簿晏大夫身不如人智過其軀人生長大
而無才不如吾友短人朱短人朱莫嗜吁

李月櫻貳尹輓詩

寶幢山下煙塵黑羽書夜報流寇迫誰提一旅障孤城
慷慨誓師破殘賊李君遊聞去請纓獨奮雙袂來柳營
一命卑官圖報國三河年少歎從征赤車白馬馳楓驛
玉帳幕中佐奇策練成壯士百夫雄指揮天地俱辟易
是時賊勢如蜂來風沙漠漠飛黃埃武臣棄甲且先遁
留一書生胡爲哉君方誓守孤軍屯猛士百人俱不奔

別遣一卒持筵返曰臣子馥酌國恩鼓聲闐闐摩賊壘
奮臂大呼創者起可憐衆寡敵實難一百義軍同時死
白虹一道氣冲天縹緲陰魂竟成仙四野風寒淒語鶴
三更月黑暗啼鵲溪聲汨汨風瀟瀟白頭老父哭秋宵
沙蟲愁見當時化朱鳥魂從何處招事聞朝右頒卹
詔耿耿孤忠旂常耀一死無憾重華嵩千秋不朽堪祠
廟吁嗟乎臣職卑臣節竒軍中殺賊都如此會埽機檢
看班師

食荔支示韓月峯少尉

吾鄉荔支天下無色香味與他處殊方紅陳紫江家綠
况有龍眼爲荔奴江鱈斫柱魚通印海錯安能爭清腴
東坡海外未過此風味但識頗蚪珠端明作譜配茶錄
古香齋帖猶臨摹當年僅進龍團小歲貢不聞荔支俱
安知古人無深意嘉惠鄉邑虞追呼我生苦晚亦爲口
對此令人思君謨何當飽啖三百顆作詩欲倩君畫圖
月峯學畫

節母撫孤圖爲許心園司馬題

清風嶺上嚴霜起青陵臺畔孤鸞止
亡身從夫非不奇

存身撫孤道爲是許君有母曰陳氏八門相夫捧盤匱
詩歌桃葉幾年榮雪壓瓊枝一朝靡蒼天冥冥海瀾瀾
白日無光哭聲裏賸有膝前婉孌孤教妾若何殉君爾
妾不殉君妾心悲妾能撫孤君應喜關山迢迢幾千里
提攜託舅勤顧視呼兒來聽母訓辭母心拳拳何時已
男兒四方志莫弛肯教秋風容易駛聲名未播荻書徽
家室先綿瓜瓞嗣阿娘所望只如此阿翁地下瞑日矣
況復恩光慰母衷母節上聞荷旌誅卽今卷施草雖萎
恍覺貞風來片紙披圖題後持還君願君傳之世世萬

孫子

六房寨行朱琳勛觀察

明亮

屬作

芝山雲頽丹霞破羣盜蜂屯日夜過屹然孤寨當賊衝
遏賊往來賊鋒挫賊言城陷衆鄉迎汝何人斯敢抗衡
誓將擊破汝寨衆否則降伏勿吾爭豈知寨中聯聲勢
此是北溪先生之遺裔六房子弟六千人齊爲父兄力
捍衛寨存與存亡與亡肯受甘言中賊計賊雖誘脅無
奈何口此運道常經過安能任汝久盤据當關攔截傷
吾多地道轟攻賊長技擬金伐鼓雜疑似忽聞霹靂一

聲飛東南塌陷事去矣
孫升蟻附來火攻此六房人同
日死可憐六千化蟲沙無一降者真堪嘉
齒齧橫飛雜穴蟻觸體偏地寒
栖鴉事定奏聞頒卹至
朝廷賜名曰忠義官爲致祭
祠褒旌報以馨香永此地使君騎馬
來告蠲招我偕至寨之巔
登高憑弔淚沾臆臨風一嘯
四山煙

渡萬安橋讀蔡碑

洛陽橋上秋風吹下馬入讀萬安碑
摩挲石刻洗倦眼仰見墨搨青淋漓
碑高三丈圍以屋下負扁鼎蟠蛟螭

字大如斗照兩壁筆力雄肆公能爲公昔立朝著清鯁
四賢同志曾貽詩胡爲謫外守鄉郡憫人濟海嗟險巖
醜水駕梁四十道重淵疊石疑神施種蠶於礎松於道
至今利濟安無危功成勒石紀其事大書深刻江之湄
我公同里拜公像景仰風節非公誰四家書冠蘇黃米
卽論字法亦堪師嗚乎橋長三千六百六十尺碑則一
百五十五字同瑰奇

渡揚子江望金山焦山

長江茫茫青接天金焦兩點浮長煙扁舟我正發京口

江風吹度山蒼然過江風靜山色豁反照入江落眼前
不須騰身跨巖阜看山水底山更妍浮圖影尖白浪漾
妙高臺迤中流懸萬頃混茫天上一葉如坐雙峯巔
曩從大海新空濶巨艦屢出蛟龍淵蓬萊神山在尺咫
幾度欲至風引還今朝放櫂江之渙徑頃抵岸尋焦僊
孰知風利不得泊飛渡天塹咄投鞭隔江豈無山迎客
瞬息已近瓜廬邊同來公車六七輩

黃蓉村陳琴舫到
林文波李中懷

處人呼孝廉船會須取酒廣陵驛醉看揚州明月圓

偕楊雪滄舍人上泰山遇雪

落日欲沒秦山西客來下馬覓店樓楊侯招我遊山去
到山三里休扶藜輿夫比肩託尺木以椅坐我替登躋
昇而橫走四足並捷如猿猱攀層梯石級雖陡廣十丈
兩輿偕上無高低道旁碑刻已林立正欲下視窮端倪
忽然陰霾四山合黑雲羃地風淒淒樹聲怒號色向晚
山精後嘯狻前啼半嶺燈明露蕭寺望我稽首來闍黎
入門上階鐘磬響滿堂煙霧噴金猊鋪牀拂簟招客坐
伊蒲饌并酒尊携山梅一枝入燕寢香氣橫窗浮玻璃
開窗更眺雪花舞千樹萬樹白於梨寒光攢天凍相映

恍惚空中聞天雞欲登絕頂觀日出漫山塞路六花迷
天明踏障匆匆返梅枝攬雪迎前谿下輿歸店笑相視
有人已駕馬聲嘶時黃濟川同在店未往人生行止各足樂回首
一望雪山齊

偷頭曲同年周珊梅太史述其事屬作

罌粟煙銷海氛起妖星激射戈船指虎門逕抵駱駝橋
礮光亂噴甬江水羌渾徧城聲啾啾何人克斬月氏頭
淮西閒謀赦不殺孰意乃在羣兒偷偷兒扮作洋人偷聞將令
跳且喜殺賊豈如作謀死巨礮彼能摧蛟螭短刀吾亦

刺犀兕街西柝巡分兩行後者仆地前者僵有時僻巷
作鼠偃突刈其頭如亡羊有弱白晝作狐假虺蛇隊裏
將身藏持杖曳屐聲橐橐忽掣頭去誰能防城上巡邏
來僕僕城下怪聲乃雌伏倚堞俯視頭忽飛孰識藤環
鉤最速偷伏城外用藤方疑失足爭來援回頭一齊墜
反覆譁然擁去疾如風死與生者將無同羣曾殼鯨始
移遁詎知偷兒成首功君不見爛羊關候胃都尉雞鳴
狗盜俱才雄

余舊藏程君房方于魯松煙四丸近購得項墨林

家製汕煙詩以志喜

奚超既老潘谷死黃山松空易水徒珍材絕技歸勝朝
一代烏丸光墨史沈生學翁擅國初中葉復聞羅秘書
珠光玉屑世寶貴今罕覩之同璠璣程方二家並時出
墨苑墨譜爭技術遺製時時現人間三百年來黝於漆
我曾錦囊儲數螺什襲一日三摩挲有時小試揮翰手
管城策勛先由他千金不惜買有用墨不磨人人自磨
年年弄筆不相離如此至寶存豈多松滋使者不肯匿
子京家出九子墨項氏前朝傳雅家墨林二字猶堪識

試之不滯是油煤二十四圭珍拱壁公擇會須懸滿堂
異輝結作樓臺色

真定龍興寺

赤日行天正卓午輿走日中汗如雨何處小憩宜浮圖
離此城東數十武龍興古寺殊堂堂修從元祐創開皇
中塑一佛冲天立金身奚止丈六長是誰鑄此逞狡獪
幻出軀幹何昂藏穿檐半截摩空起高如寶塔撐穹蒼
不知何事糜錢幾十萬留與皇華使者來乘涼我不佞
佛不闕佛笑爾龐然一大物負此擎天柱地形乃與長

狄僑如爭竒崛不如摩挲石刻看穹碑
有李寶臣碑未見 兩壁
山風生拂拂忽然幕客索書來石牀落筆搭青苔南瞻
滄沱北恒嶽書畢升輿巖雲開

荊州大江口阻風賦呈秦舸南前輩

日來馳驅走曠野主人乘輶僕乘馬出都不覺逾三旬
山程何多水程寡西風昨夜下荊州使君邀我來登舟
乘槎已渡汴河盡鼓棹還沂楚江流江天漠漠江風吼
來者順風去則否馬當敢望助峯頭石尤誰知阻渡口
是時炎地挂長空江上千峰飛祝融僕夫露坐汗珠裏

篙師酣睡浪花中
哦詩使者推篷起
一片詩心照江水
江山如此供俊遊
況有山花栽桃李
黔山前去幾千程
守風三日未能行
何當散步江陵岸
與君同聽夜潮聲

飛雲巖

衝曉輿度荒岡驛
千山萬山瘴雲濕
竒峯何處忽飛來
幻作靈巖迎星客
初隨歸鳥入雲中
遙揖萬點青芙蓉
穿雲不知在雲際
但見銅崖鐵峽撐
晴空忽瀉瀑流挂
絕壁青天飛下雙
白龍雲氣蓬蓬化
百怪突出巖洞開
鴻濛老僧導客攀
藤上天梯如削撥
雲立雲來脚垂插

漢峯雲去根結嵌空石怪石秀峯接雲斜倒懸鐘乳生
奇花上有老樹號風動山谷下有洞泉清冽噴煙霞陰
晴明滅極萬變脩然坐我神仙家不知造化何年巧結
構闢此異態留荒遐惜哉匆匆我未暇盪胸之雲一杼
寫出巖回望雲深處雲行似送來驛舍

牟珠洞

昔讀甌北詩知有牟珠洞今朝秉節下蠻方始識詩人
非鑿空洞天一扇蒼然開山僧拂炬引我來以火照見
諸變相無乃鬼神搏弄成脛胎或如狻猊蹲或如猿狖

嘯或如仙人持丈行或如枯佛拈花笑各逞狡獪疑雕
鏤形容惟妙亦惟肖中起一塔雲模糊轟然柱砌擎天
孤以石扣之作鉅響鐘聲鼓聲洋洋乎想皆千年石乳
所融結倒綴巖腹紛垂珠不知何處來形模況有洞徑
尤縈紆或是蜿蜒神物之所都古雪堅冰積百怪山骨
陰寒晝亦晦滄桑陵谷幾變遷不意異境乃落蠻天外
平生好遊兼好奇每遇名山心嚮之洞天如此忽忽過
異日歸來蕭寺尋殘碑

遊九鯉湖歌

神仙之說殊渺茫仙人說夢尤荒唐去年我走邯鄲道
廬生枕上喚黃梁不知何時開湖莊艷傳九仙夢一場
湖山嵯峨入雲去湖水清泚經吾鄉少時足跡未一到
今日始至攀羊腸山口漸入始隈隩水聲石上涓涓長
巖泉滴久石流光恍惚藥竈排丹房倒懸巖石鋪琴牀
對面瀑布傾天漿珠簾玉筍遙相當下有千仞蛟龍藏
終日瀕洞聲琅琅松杉隔水參筌箒竒境幽絕疑沅湘
倘比黔山亦尋常斯夕看此馬蹄忙道人邀我來拈香
我笑神仙跨鯉翔此地祇供人徜徉況我游山不祈夢

浮雲富貴久絕望仙縱欲告從何方
不如下山放歌去湖聲一路隨斜陽
歸枕溪石真清涼

華園舊墅葺成有作

我家溪水初發源鯉湖之下舊居存
自入荔城始三世舌耕賃廡來華園
園中寄籬三十載僻靜乃不殊山邨
蕭然環堵稱貧士詎嫌破壁兼頽垣
年年況作遠遊客南轅北轍違晨昏
求田問舍非所願買山無費空斷魂
商量牽蘿補茅屋春風一夜回柴門
謝傳堂前燕復返盧秉樹上陰猶繁
鶯鄰相識豈須買喬遷不遠何憚煩

曉來開窓望遠岫西山入戶雲生軒況有礪峯舊遺址
宅西卽康園以堵牆當籬籬點綴木石作亭沼舊名肯
礪峯別墅改謝公墩何日鑿泉復種樹看長魚兒生桐孫

六月望日偕同人讌集陶然亭

六月揮毫汗滴硯閉門日草臣工傳風檐授札苦未休
故人忽邀城南讌攜朋載酒來江亭市廛已絕車聲停
蘆花一路白如雪雨後看山山更青林巒欲滴真蒼翠
長安此卽登臨地濕雲方度城頭鴉聽鐘更雜煙外寺

旁有龍泉寺
龍槐寺密臺

盆荷新放曲欄邊座中酒客何翩翩涼風

四百吹洒然高歌痛飲符八仙

葉恂如鐸人陳芸敏酒
明丞玉蒼何少雅

酣相對話疇昔我亦當年遊山客故園歸去二年別青
山如舊我頭白日暮亭前暑漸收浮生真欲秉燭遊明
朝散髮尋扁舟炎天還泛水鄉秋

莆陽新館葺成因誌以詩

琉璃街中舊宅老破屋數椽風吹倒故鄉人至覓羈棲
繞樹無枝客心惱或云舊屋補牽蘿豈知葺舊難新造
況鄰僻地多低窪古墓腥風吹野草不如變置捐珠崖
醜錢買山來賈家

舊館在琉璃街
新置賈家胡同

遷喬更占高枝鳥移

根新種城南花宣武坊前成小築計偕謁選人駐足橐
筆朝題北極雪篝燈夜話西湖月後堂更設景賢軒壺
蘭遣獻尋淵源學宗蒲弄林艾軒與夾漈鄭漁仲相業玉湖
陳正劉文定詩後村劉文春風桃李花開夜一上龍門振聲價
相期鷓鴣齊遠搏定勿區區守蝸舍

醉歌行

寒風獵獵吹短檠中夜起坐百感生呼僮挑燈復舒紙
欲吐胸臆殊怵怵我生苦晚更沈滯命宮磨蝸數所憑
窮年矻矻守蓬巷落日自愛几窗明眼花尚寫蠅頭字

詞窮偶作寒螿鳴興來獨買市橋酒酒酣耳熱傾長鯨
忽聞漁陽鼙鼓動使思擲筆隨從征榆關風高遼水黑
寶刀出匣劍光橫修期下馬能作檄終軍無緣去請纓
蕭然破屋臥秋晚落落真如退院僧雪霜蕭颯正滿鬢
米珠薪桂勞經營胸中逼隘適何處有人勸共曲江行
時陳竹香任兩田折腰歛版豈素願祇愁迂拙招人憎
同年招共乞外
不然投袂徑歸去短篷卧聽晚潮聲

遊龍井寺借陳方笙陳竹香徐澍生程稻村四太

守

西湖山水天下稀江頭詩客思探奇偶從風篁嶺上過
來看龍井茗花肥龍井山深人行少泉冽茶甘絕塵擾
僧古常爲澗壑春我來撥破煙雲曉煙青雲黑洞泉深
風雨時聞龍一吟匏尊汲與井花水一洗老眼清詩心
丹房曲磴相緣入僧雛煮茶倚樹立紅爐細火芙蓉開
石鼎灘聲風浪急開軒遙望湖上山流水桃花相往還
人家遠近林巒外城郭蒼茫煙雨間回頭再眺最高處
諸公徘徊不忍去何日襍被重來遊更煮新茶煨詩句

登吳山絕頂放歌

鳳皇嶺畔吳山高羣峰向下如奔瀉岡巒雲氣互吞吐
老樹迴風生怒號有客攀崖踞峯頂手倚青天白日冷
盤紆曲磴穿洞門玲瓏石竇覓竒境憑虛上訪大觀臺
琳宮紺宇紛崔巍遠挹長江馳海去倒回山勢跨城來
城郭周遭眼底小連甍累棟襟袖繞萬家煙火接空濛
九陌市廛知多少山腰路轉俯湖西湖雨湖雲縱目齊
煙柳畫橋籠六曲煙波錦槩拂雙隄君不見兩峯插天
南北高靈隱天竺名山多我曾躡磴攀藤蘿仰睇白雲
樓觀俱嗟滅豈如茲山近尺咫山林落在城市裏興來

卽遊興盡歸靈境不須携襪被靈境遊來尚未歇
暝色催人暫賦別下山覓路行歌回長嘯山風弄山月

江山船曲

江山船泊錢塘江倚岸連檣開篷窗上灘偶過富春渚
下灘來經七里瀧船頭終日繫纜臥官來捉船愁喚假

儂家舊隸桐巖籍客呼同年情何濃

坐客呼舟女曰同年妹

一生

婚嫁憑九姓漁兒漁婦長相從生小女兒教歌舞銀筆

玉笛翻新腔韶顏稚齒嬌妝束朝朝學唱鴛鴦雙紅豆
曲拋繡幙暖素馨花掠雲鬟鬆夜深猶倚船梢槩客至

解勸玻璃鍾玉驄公子樽前夢錦瑟佳人鏡裏容酒盡
移船來復往三更風起浪衝撞醉歸相送歌緩緩滿江
漁火撐孤艫

八月十八日諸友約看潮潮又不至歸而賦此

去年今日螺絲渡待潮不來日已暮今番又出候潮門
城門携朋走徧秋山路秋天在水白漫漫蘆花蓼花滿

江灘此時潮來應有信萬人空巷出城看人言潮生初
隱見海門白光僅一線飛落龕楮勢莫當沛然一瀉遂
千變溯騰遠聽鮫鱷呼烟燦方疑鬼神戰洪濤轟起逆

浪催沸天噴日聲喧。厖霜戈銀甲灑天半。萬馬騰空鳴
怒雷。更有弄潮兒出沒波濤裏。年年所覩。總如此。潮大
之狀可知矣。我聞此語。悵然疑孰若。今朝親見之。那知
靈胥不來。陽侯匿兩番。都遇潮平時。興盡且逐遊人返。
秋風涼趁歸輿。晚挑燈起。作待潮歌。月落潮遲。奈愁何。

遊愚園歌

黃葉江南村。何處吳淞渡口。浮家去一簾。細雨隔市廛。
寓公暫就城西住。泥城橋畔草黏天。跑馬場邊花飛絮。
誰家別業在江村。塵囂叢裏營名園。日日香車喧流水。

路穿槐柳到柴門，門前繫馬三三徑。遊人如雲雜，
筍屐籃輿鶯燕忙。酒旗歌板花枝映，花深欄曲水灣環。
奇石磊磊堆成山，登樓人凭移春檻。繞洞雲穿消夏灣，
洞中更禁笙歌鳴一隊。蛾眉栢枝鼓珠喉，細轉臉波橫。
玉簪倒銜弓腰舞，紅妝逼坐覓纏頭。衣香鬢影歸時路，
歌闌酒散夕陽斜。輕衫窄袖獨輪車，
歸去歸途約看張園花。園在
旁近

荔隱居題壁

六月荔支照園隅，園中舊有荔三株。年年作客懷此都。

胡不歸兮園將蕪杏花春老厭蓬壺秋風一棹泉塘湖
孤山探梅山不孤風景豈與吾鄉殊但少仙人絳羅襦
翩然而返尋葦鱸復擘紅紗俚玉膚對之一醉未須扶
況復喬柯蔭庭除垂垂側生頰蚪珠甘苦結實露華濡
慎勿翦伐連枝枯我將隱矣霜鬢鬢賴此半畝容詩癯
但工飲啖追髯蘇紅塵謝絕百不圖蠅頭蝸角皆區區
哦詩莫笑愚公愚從此林泉屬老夫